

摘藻堂四庫全書薈要

集部

欽定四庫全書薈要卷一萬六千三百二十三

集部

圭塘小藁卷十三

元 許有壬 撰

長短句

水調歌頭

題蕭獨清  
山水勝處

山水據全勝消得獨清人  
神仙定在何處此處可尋真  
山有蓬萊氣象水有瀛州風物  
人是葛天民翫得紫芝  
老吟盡碧桃春  
四時花千日酒一溪雲  
回頭下望濁

世無地不紅塵憶昔乘輶江右目斷丹霞翠壁底事走  
跋跋今日送君語聊為自移文

二

即席贈河南  
廉使高辛甫

徒陽記同署三十四年過朝臺暮省蹤跡贏得鬢雙皤  
一別又逾一紀百歲都能幾見塵事日蹉跎今夕復何  
夕旌節照山阿笑年來洹水上試漁簑迂踈久厭城  
市其奈故人何浩蕩雲山煙水寥落晨星霜木如子已  
無多邂逅一尊酒忍負醉時歌

沁園春

寄題詹事丞張希孟  
綽然亭用王繼學韻

俯仰乾坤傲睨羲皇優游快哉看平湖秋碧淨隨天去  
亂峰煙翠飛入窻來鴻鵠翱翔雲霄寥廓斥鷃蓬蒿莫  
見猜門常閉怕等閒踏破滿院蒼苔 人間暮省朝臺

奈烏兔堂堂挽不迴愛小軒月落夢驚風竹空江歲晚  
詩到寒梅兩鬢清霜一襟豪氣舉世相知獨此杯京華  
客問九衢何處堪避風埃

二 自述

弱冠離家浪走人間餘三十年柰救時才短虛塵政府  
讀書功少深負經筵風月西清冰霜柏署一歲中間漫  
幾遷君恩重便不教覆餗直許歸田 豐碑高表洹阡  
又飛上吳頭萬里船把家傳圖史拂除塵蠹舊栽松竹  
收貯雲煙大別嵯峨鵠山縹緲盡在先生几案前閒人  
事但登樓小酌閉戶高眠

木蘭花慢

至大戊申八月二十五日同踈仙萬戶游城南廉園園甲京師主人莖雲

左丞未老休致清露堂扁命予二人分賦長短句予得清字皆即席成章喜甚榜之堂上踈仙

其甥也後更  
號酸齋云

渺西風天地拂吟袖出重城正秋滿名園松枯石潤竹  
瘦霜清扁舟采菱歌斷但一泓寒碧畫橋平放眼竒觀  
臺上太行飛入簾櫳主人聲利一毫輕愛客見高情  
便芡剥驪珠蓮分冰繭酒注金瓶風流故家文獻况登  
高能賦有諸甥清露堂前好月多應喜我留名

摸魚子

中都錢荀平叔  
都事赴大都

正荒寒似逃空谷佳人又話離別風低白草天無際漠

漠平沙如雪心欲折看落日飛鴻一線明還滅長歌激  
烈把湖海襟期關山風物取次付彈鋏 毛錐子千古  
鑽研搜剗誰知更比鳩拙仲宣不作登樓賦閒殺一天  
秋色珊瑚玦羨公去鳴騶醉上長安陌予懷轉結怕紫  
塞寒深碧雲暮合酒醒見明月

水龍吟

趙伯寧中丞代祀  
淮浙過維揚徵賦

五雲飛出蓬萊天香散滿人間世龍翔鳳翥千齡一遇  
明良慶會節鉞重來士民騰喜山川增氣想四方地遠

九重心切都要見問閻事  
寤寐天顏咫尺裊秋風一  
鞭歸騎青年勲業烏臺倚重紫垣虛位自顧踈庸資身  
無策敢論經費但儒酸不改作鹹充賦助和羹味

二遊三  
臺

幾年三到三臺往年不似今年好故人雲集遠山屏列  
蔚藍清曉趙舞燕歌一時竒絕百壺傾倒對山川如昔  
風烟不減但人比當時老 放眼秋容無際碧澄澄鴈  
天霜蚤曹瞞事業悠悠斜日茫茫衰草為問漳流古來



豪傑浪淘多少有建安遺瓦張吾筆陣把姦雄掃

三有序

予一病五十日始愈因自點檢目視雖不如昔書字稍大者尚可夜讀手可揮翰足可步園腹可容酒齒可齧肉耳可聽歌體稟素弱今六十有七而得所謂六可者私自喜幸戲成此曲子之所慎疾也乃深寓節飲之意焉

可翁點檢形骸關心六事今猶可摩抄老眼殘編細讀

小窓危坐信手揮毫雲煙撩亂波濤掀簸笑蹒跚病足  
登山不武尚能踏苔痕破 便腹還堪容酒齒牙攻脯  
穀蔬果歌聲到耳宮商少誤肯教輕過饒口如門丁寧  
告戒却須堅鎖怕麴生徒衆羣然趨入困風流我

賀新郎

登滕王閣  
用稼軒韻

陳迹空鳧渚悵繁華等閒一夢便成今古佩玉鳴鑿人  
如畫何處為雲為雨只明月還生春浦帝子當時無窮  
欲柰浮雲回首渾非故天有意肯輕許 江湖襟帶雄

吳楚更翩翩三王文采儷章駢句一旦飛來韓家筆才  
見龍翔鳳舞漫千載懷人延竚豪傑紛紛今誰在笑世  
間華屋爭寒暑瀛海遠去無侶

滿江紅

次湯碧山  
清溪韻

木落霜清水底見金陵城郭都莫問南朝興廢人生哀  
樂載酒時時尋伴侶倚闌處處皆樓閣對溪雲試放醉  
時狂渾如昨沙洲外輕鷗落風帘下扁舟泊更寒波  
搖漾綠簑青箬為向九原江總道繁華何似今涼薄怕

素衣京洛染緇塵從新濯

二

和郭子敬夏  
日村居韻

一曲清溪收拾盡風聲月色還自笑六旬將近數椽方  
葺已分封侯非燕頤儘教有地爭蝸角算人生難得是  
清閒吾今得 離離黍芄芄麥觀此景皆真樂更葵花  
未謝藕花仍發繁劇只因詩有債迂踈却喜門無客問  
小亭盛暑不容人今秋月

滿庭芳

借營士安馬明初  
登荀和叔廣思樓

沙路無泥柳風如水嫩涼偏入吟鞍廣思樓上雨後看  
西山回首炎氛千丈便長嘯跳出塵寰青天外斜陽淡  
淡倦鳥正飛還 郊原秋色裏望窮霄壤倚徧闌干問  
神仙何處獨占高寒樓下悠悠洹水為底事不暫休閒  
吾衰矣休將舊手遮日上長安

二

槐院風清蘚階塵淨日長鎮掩衡門葛幃藤簟石枕竹  
夫人不作南柯痴夢要來往月窟天根花陰轉間闕幽

鳥啼破一窻雲  
起來盤膝坐松風  
沸鼎花雪浮春便  
洗除胸次多少凝塵  
更喜秋原有闕  
小甕清尊  
東籬下黃花香裏  
顛倒白綸巾

三

庚寅正月十六  
日夜獨酌戲成

學本迂踈才非明哲  
天恩偶聽歸田良辰  
美景相遇更欣然  
細數人生行止或  
城市或在林泉都  
評過忘形適意  
惟是在尊前  
只令頭盡白  
但憐飲量不似  
當年甚  
蘄痰媒渴無事  
招愆時有親朋  
來勸學康節微  
醉為賢

先生笑偶當乘興又作飲中仙

望月婆羅門引

借王仁甫左丞賈伯堅左司朝  
罷過李廷秀參議因觀盆梅遂

成懽酌廷秀求

詞醉中賦此

紫宸朝罷東風吹到謫仙家  
貂裘抖擻塵沙一室窓明  
几淨人境獨清華有息齋名畫殿  
帥高茶主人意佳  
道分手即天涯何事相逢不飲  
戚戚嗟嗟黃封旋拆有  
鵝腊雞胸與兔羝公不飲辜負梅花

二

雪夜宴沙班良輔家  
時為湖南宣慰使

人家十萬春風先到使君家  
天公更助芳華盡把樓臺  
粉澤瓊樹映橫斜要歌宜  
白雪暖借流霞 吳姬趙娃  
亂銀燭影交加不放行雲  
歸去敲碎紅牙可憐杜老  
肯飛送江頭只岸花爭似  
我夜醉長沙

江城子

次韻

懶如沙鳥拙如鳩為無求得無憂  
底事踈狂却效子長  
遊畢竟無求何用出求不得亦宜休  
西風真觸釀羈  
愁試登樓望南州黃葉踈雲搖蕩  
一川秋更被誰家多



事笛聲不盡思悠悠

二

飲海子舟中班彥功  
招飲斜街以此答之

柳稍煙重滴春嬌  
傍天橋住蘭橈  
吹暖香雲何處一聲  
簫天上廣寒宮闕近  
金晃朗翠峯  
誰家花外酒旗  
高故相招儘飄搖  
我政悠然雲水永  
今朝休道斜街風  
物好才去此便塵囂

行香子

壁月香雲小院重  
門辨詩愁多是  
黃昏梨花淡淡柳絮

紛紛對古銅爐神品畫靚粧人  
半醉多羞一笑欺春  
有丹青描畫難真秋波側媚雲岫輕顰是藥珠仙巫峽  
女洛川神

南鄉子

醉書月香  
亭桂几

老子分漁樵說着登山氣便豪  
天外長江流不盡迢迢  
脚底青雲步漸高  
兩手敢辭勞  
右有深杯左有螯  
我似淵明多一字  
陶陶明日黃花笑二毛

二  
贈高  
才甫

錦瑟思華年底用嘈嘈五十絃  
兩線清絲千萬調能傳  
句句分明字字圓  
高藝擅華筵多少新聲出自然  
更著郭娘歌宛轉相聯  
消得詩人筆似椽

三

次可  
行韻

薄宦苦營營半世長  
亭復短亭一旦結茅當  
疊嶂雲屏  
朝暮陰晴幾樣青  
濁酒瓦盆盛  
農父無才却有情  
好雨知時公到此  
安寧話到盆空月滿庭

四

次可  
行韻

小隱遠民廛草舍三間柳作椽圍繞佳城才二頃山田  
便覺胸中綽綽然世態自爭妍老我壺觴業自專地  
闊天寬容舞袖回旋又似偷閑學少年

臨江仙

瓊江萬梅方吐而予來長沙風  
雪十日晴後值大霜有懷而作

十日惡風三尺雪繁霜又滿人間梅花誰與問平安玉  
肌清似削爭柰許多寒夢繞瓊江上路竹籬茅舍  
青山莫教芳酒滯歸鞍黃昏無限月待我倚闌干

鵲橋仙

同李雲松宣慰過思  
齋宣慰值出書其壁

雲松仙客箕山道士來訪思齋老子思齋何處未歸來  
想只在翠紅鄉裏風清月白橙黃蟹紫一卷笙歌紛  
起良宵不過負佳賓都不念人生有幾

二

贈可  
行弟

花香滿院花陰滿地夜靜月明風細南坡一室小如舟  
都歛盡山林清致竹簾半捲柴門不閉好箇暮春天  
氣長安多少曉雞聲管不到江南春睡

三

贈相士  
周可山

春秋七秩江湖萬里老子閱人多矣兩朝名勝一囊詩  
道渾似當年袁李紅塵陌上白雲堆裏擾擾浮生行  
止我非燕頷虎頭人但酒聖詩狂而已

四

宴胡安常  
侍御家

清香華屋黃葵紅葉政是新涼時節文園多病不勝杯  
辜負殺一庭秋色珍釵紛錯玉醅芳烈醉倒江湖狂  
客涼天佳月即中秋更有箇今年閏月

五

心閒勝貴身閒勝富已往而今始悟來言精力未宜閒  
此俗子便宜推去 秋風雞黍春山杖屨盡是幽人樂  
處儘教鬚鬢雪颿蕭總不礙銜杯琢句

蝶戀花

九陌千門新雨後細染濃薰滿目春如繡恰信東君神  
妙手一宵綠徧官橋柳 樓下蘭舟樓上酒沙暖蘋香  
渾似來時候說與可人知信否傷春更比悲秋瘦

二

丁亥正月十三日親  
朋治具醉中賦此

老子行年過耳順蓬鬢飄蕭人道猶風韻領畧風光元  
有分賞心又喜燒燈近薄雪初消寒欲盡詞館多閒  
時得陪英俊便訝連朝為酒困東君已是傳花信

漁家傲

歌圭塘四  
時四首

水盡泉香雲縹緲韶華隱隱浮林杪酒在葫蘆魚在沼  
清晝悄好音時復來黃鳥管領風光心未老衰顏却  
怕清波照有酒可斟魚可釣能事了東風一曲漁家傲  
窻影脩篁搖翠葆牆陰幽逕連芳草暮地雨來荷葉開



香更好亂煙浮動紅雲島  
穉柳千條絲嫋嫋柳邊宜

著蘭舟小世態紛紛何足校  
收桂棹嗚嗚且和漁家傲

露洗璇穹青杳杳年光紅入灘  
頭蓼翠蓋撐烟吹半倒

霜信早一奩寒影磨清曉  
蚤是軒扉塵不到好山更

與供登眺酒債漸多詩債少  
翻水調西風幾疊漁家傲

落日崇臺寒力峭登臨恰似尋  
安道有竹何人能逕造

吾不謂相逢要遂掀髯笑  
雙檜凌空龍天矯有知定

訝人枯槁珍重歲寒冰雪操  
君自寶老夫但和漁家傲

太常引

武昌別墅

胭脂山下老農家看雲樹翠交加香透小窓紗是昨夜  
幽蘭放花引泉澆竹破苔移菊更種故侯瓜一笑有  
生涯便休歎清霜鬢華

二 速可行

治具

小齋瀟灑頗宜貧清有竹靜無塵俗子不敲門只風月  
煙霞是鄰古瓶清雅寒梅踈瘦昨是忽紛紛尚有一  
枝春快報與南廳主人

三

登樓  
觀柳

雪消春氣恰和柔，先到柳梢頭。數日不登樓，笑青眼窺人尚羞。清明近也，老夫耄矣，其忍負歡游。飛絮便生愁，儘都變浮萍去休。

四

烏克章杜德常所寫  
二松可愛，醉中賦此。

二松如蓋偃中庭，向朱夏作秋聲。搖影動踈櫺，掩映得苔痕轉青。西清博士西臺御史相對，又雙清咫尺到蓬瀛。休認作藍田縣丞。

五

圭塘種藕已多時  
貼水曉星稀  
生意一朝回  
便萬柄紅  
酣綠歌  
連宵驟雨透  
空繁響清絕  
不容詩對景

闕

圭塘小藁卷十三

謹按卷十一第六頁後五行哈斯布色舊作哈八石今  
改後倣此 八頁前八行穆蘇舊作木屑今改 後四  
行達爾瑪舊作答里麻今改

卷十三第十三頁後五行烏克章舊作幹克莊今改



總校官進士臣胡榮

校對官編修臣沈清藻

謄錄貢生臣張誠智